

Kommunalbestyrelsinut, nunaqarfmni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 10, 31. oktober 1996-imeersoq Atuuissimasoq (Historisk)

Kapitali 1

Kommunalbestyrelsimut qinersineq

Qinersisinnaatitaaneq qinigaasinnaanerlu

§ 1. Kommunalbestyrelsimut qinersisinnaatitaavoq § 2-mi eqqaaneqartut eqqaassanngikkaanni kinaluunniit folketingimut qinersisinnaanermut ukiussarititaasunik naammatsitsisimasoq aammalu qinersinissaq sioqqullugu sap. akunnerini arfinilinni kommunimi pineqartumi aalajangersimasumik najugaqarsimasoq aammalu

1) qallunaatut innuttaassuseqartoq aammalu qinersinissaq sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq imaluunniit

2) qinersinissaq sioqqullugu sivikinnerpaamik ukiuni pingasuni naalagaaffimmi aamma sivikinnerpaamik qaammatini arfmilinni Kalaallit Nunaanni aalajangersimasumik najugaqarsimasoq.

Imm. 2. Kommunalbestyrelsimut ilaasortaq kinaluunniit kommunalbestyrelsimut ilaasortaanerminut atatillugu nuna tamakkerlugu soqutigisaqaqatigiit kattuffiannut, kommunimi allami angerlarsimaffeqartumi, piffissaq tamaat siulittaasussatut toqqarneqartoq, kommunimi qimatamini taasisinnaatitaavoq.

§ 2. Inuit eqqartuussivikkoortumik Kalaallit Nunaanni atuuttussatut aalajangikkamik nammineersinnaajunnaarsitaasimasut qinersisinnaatitaanngillat.

§ 3. Kinaluunniit qinersisartut allasimaffiannut ilanngunneqarsimatinnani qinersisinnaatitaanngilaq.

§ 4. Kommunalbestyrelsimut qinigaasinnaatitaavoq kinaluunniit § 1 naapertorlugu tassunga qinersisinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi kommunalbestyrelsimut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat taaneqartut ullormit qinersivimmiit atuutissapput.

Imm. 2. Taamaattoq kinaluunniit qinigaassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerlilisoqaraluarpalluunniit.

§ 5. Kommunalbestyrelsimut qinersinermi kommunit tamarmik qinersivik ataasiupput.

Imm. 2. Kommunit tusarniaavigineqareerneratigut taasiartorfissat amerlassusissaat aammalu qinersivinni ataasiakkaani kommunalbestyrelsimi ilaasortat amerlassusissaat Naalakkersuisut aalaj angersassavaat.

§ 6. Kommunalbestyrelsimut ilaasortat ukiuni sisamani ilaasortaasussatut qinigaassapput, tamarmillu ataatsikkut tunuassallutik, taamaattorli takuuk § 50.

Imm. 2. Qinigaaffik majip aallaqqaataaniit naatsorsuunneqartassaaq, qinersinerlu pissalluni aprilimi ullumi Qinersinermut ataatsimiititaliamit aalajangerneqartumi.

Qinersinermut piareersaanerit

§ 7. Qinersineq Qinersinermut ataatsimiititaliamit siulersorneqassaaq.

Imm. 2. Qinersinermut ataatsimiititaliap allattuiffigissavaa qinersinermik allattaavik, tassani allanneqassallutik suut qinersinermut pingaaruteqarnerusut, taakkununga ilanngullugit qinigassanngortitat partiillu pillugit paasissutissat aammalu qinersinerup naatsorsorneqarnera.

Imm. 3. Qinersinermut ataatsimiititaliap qinersinermik siulersuisunut sapinngisamik piaartumik nalunaarutigissavaa ullormi sumi qinersineq ingerlanneqassanersoq aammalu qinigassanngortitanik nalunaarutit qaqugu tunniunneqassanersut.

Imm. 4. Qinersivinni tamani qinersineq piareersarneqarlunilu siulersorneqassaaq qinersinermik siulersuisunit aamma taaguinermik siulersuisunit §§8 aamma 9 naapertorlugit toqqarneqartunit.

§ 8. Qinersineq qinersivinni tamani qinersinermik siulersuisunit piareersarneqarlunilu siulersorneqassaaq.

Imm. 2. Qinersinermik siulersuisunut ilaasortaasapput borgmesteri aamma kommunalbestyrelsimut ilaasortat ikinnerpaamik marluk kommunalbestyrelsimit qinerneqarsimasut. Borgmesteri qinersinermik siulersuisunut siulittaasuussaaq.

Imm. 3. Qinersinermik siulersuisunut ilaasortaq tunuarpat kommunalbestyrelsi ilaasortami akornannit tunuartup taartissaanik toqqaassaaq.

Imm. 4. Borgmesteri qinersinermik siulersuisunit tunuarpat taakku ilaasortamik akornannit siulittaasussaminnik nutaamik toqqaassapput.

§ 9. Qinersinermik siulersuisut qinersivimmi taasiartorfissanut ataasiakkaanut tamanut inunnik qinersisinnaatitaasunik taasiartorfissani pineqartuni taaguinermik siulersuisussanik toqqaassapput aammalu immaqa qinersisartunik qinersinerup ingerlanneqarnerani ikiuuttussanik aalajangersimasumik amerlassuseqartitaminnik toqqaassallutik.

Imm. 2. Taaguinermik siulersuisussaq qinigassanngortippat qinersinermik siulersuisut taaguinermik siulersuisussamik nutaamik toqqaassapput.

§ 10. Inuit § 8, imm. 2 aamma § 9 naapertorlugit toqqarneqartut taamatut suliassinneqarnerminnut akuersinissaminnut pisussaapput.

Imm. 2. Kommunalbestyrelsip inuit § 9 naapertorlugu toqqarneqartut qinersinerup ingerlanneqarneranut atatillugu suliaqarnerannut aningaasarsiaqartissavai. Aningaasarsisitsisoqartassaaq kommuninik aqutsineq pillugu Inatsisartut inatsisaanni aaliangersakkat malillugit.

§ 11. Qinersinermik siulersuisut Qinersinermut ataatsimiititaliamiit nalunaarfigineqarsimanertik naapertorlugu piffissaq taasiffissaq piaarnerpaamik nalunaarutigisassavaat, tak. § 7, imm. 3. Tamatumunnga peqatigitillugu nalunaarutigineqassapput taasiartorfissat ataasiakkaat inuillu

taasiartorfissani ataasiakkaani taaguinermik siulersuisussatut toqqarneqarsimasut aqqi kiisalu kommunalbestyrelsimut ilaasortatut qinerneqartussat amerlassusiat aammalu piffissaq qinigassanngortitanik nalunaarutinik tunniussivigineqareersimasussaq.

Imm. 2. Qinersinermik siulersuisut taaguinermilu siulersuisut qinersinermik allattaavinnik Qinersinermut ataatsimiititaliamit nassiunneqarsimasunik, qinersinermut tunngassutillit pingaaruteqarnerasut allattorsimaffiannik, allattaaveqartassapput taakkunanilu ilanngullugit qinigassanngortitanik nalunaarutit tunniunneqarsimasut, taasiviit atorsinnaasut amerlassusii, taasiviit atorsinnaanngitsut amerlassusii aammalu sooq atorsinnaannginnerinut pissutaasut, kiisalu qinersinerup inernerata inaarutaasumik naatsorsornera pillugu paasissutissat allattomeqartassapput, taasiartorfinnilu tamani immikkut taamaaliortoqartassaaq.

Imm. 3. Taaguinermik siulersuisut suut tamarmik taasinissamut aqqissuunneqareersimanissaat isumagisassavaat, pingaartumillu qinersisussat allassimaffiata pappiarallu taasiviit piareersimanissaat isumagisassallugu, aammalu inini qinersivinni tamani ineeqqamik taasivissamik aammalu qinersinemut tamanut karsimik taasivimmik nakkartitsivissamik peqarnissaa.

Imm. 4. Imm. 1 naapertorlugu tamanut nalunaaruteqartameq allagarsiinikkut qinersinermilu siulersuisut erseqqinnerusumik aalajangiinera malillugit pisassaaq.

§ 12. Qinersinissamut qinigassanngortittut kisimiillutik qinigassanngortittutut, kisimiillutik qinigassanngortillutikkattusseqatigiittut, tak. § 14, imaluunniit partii qinigassanngortitsisinnaasooq, tak. Inatsisartunut qinersisameq pillugu inatsisartut inatsisaat, sinnerlugu qinigassanngortissinnaapput.

§ 13. Partii sinnerlugu qinigassanngortittut nalunaarutigineqarnerat Qinersinermut ataatsimiititaliap partiinut nalunaarsuiffissatut allaffissiaatigut pisassaaq. Nalunaarut qinersivimmi taaguinermik siulersuisumut tunniunneqareersimassaaq kingusinnerpaamik qinersinissaq sapaatip akunnerinik pingasunik sioqqullugu nal. 12.00.

Imm. 2. Partiimik qinigassanngortitsinermut nalunaarsuiffimmi qinigassanngortittut aqqi, inuui, atorfi najugaalu allassimassapput. Qinigassanngortittut qinersinissamut qinigassanngortinnertik namminneq atsiortlutik uppenarsarsimassavaat. Nalunaarummi namminermi imaluunniit taassuma assilineqarnerani atsiortoqarsinnaavoq.

Imm. 3. Partiinut nalunaarsuiffiit nalunaarutigineqameri partiimi oqartussaasunit, partiip malittarisassai malillugit kommunalbestyrelsinut qinersinermut qinigassanngortitsinissamut akuerineqarsimasunit, atsiomeqarsimassapput. Partiit qinigassanngortitsmermik akuersissutaat partiinut nalunaarsuiffiit assilineqarnerisa atsiornernik qulaani taaneqartunik ilaqartillugit taaguinermi siulersuisumut nassiunneqarnerisigut pisinnaapput.

Imm. 4. Partiit qinigassanngorteqatigiinnissamik isumaqatigiissuteqarsinnaanngillat.

§ 14. Qinigassanngortittunik partiit avataanni qinigassanngortitanik nalunaarut Qinersinermut ataatsimiititaliap qinigassanngortittut pillugit allaffissiaasigut nalunaarutigineqartassaaq, taaguinermilu siulersuisumut tunniunneqarsimassalluni § 13, imm. 1-imi piffissaritinneqartoq sioqqullugu.

Imm. 2. Qinigassanngortitamik nalunaarummiissapput, qinigassanngortittup aqqa, inuua, atorfia najugaalu. Qinigassanngortittut qinersinissamut qinigassanngortinneqarnertik namminneq atsiortlutik uppenarsarsimasassavaat. Nalunaarummi namminermi imaluunniit taassuma assilineqarnerani atsiortoqarsinnaavoq.

Imm. 3. Partiit avataanni qinigassanngortittut marluk amerlanerusulluunniit kattusseqatigiinnikkut tapersersoqatigiinniarlutik isumaqatigiissinnaapput. Qinigassanngortitapq ataaseq kattusseqatigiinni ataasiinnarni peqataasinnaavoq. Qinigassanngortitap qinigassanngortitapq alla ataaseq amerlanerusulluunniit kattusseqatigisimappagit nalunaarummi tamanna taaneqarsimassaaq. Qinigassanngortitap kattusseqateqarnissartik atsiorlutik akuersissutigisimassavaat. Akuersissutit nalunaarummi namminermit taassumaluunniit assilinerini nalunaarutigineqarsinnaapput.

§ 15. Partiit avataanni qinigassanngortittut nalunaarutigineqarneri qinersivimmi qinigassanngortitsisunit ikinnerpaamik qulinit amerlanerpaamillu 20-nit atsiorneqarsimassapput, qinersivinnili qinersinissaq sioqqullugu ukiumi januarip aallaqqaataani 1.000-it inorlugit inulinni qinigassanngortitsisunit minnerpaamik tallimanit amerlanerpaamillu qulinit. Atsiornerit nalunaarummi namminermit issinnaapput taassumaluunniit assilineraniissinnaallutik. Nalunaarummi allassimassapput qinigassanngortitsisut tamarmik immikkut aqqi, inuui, atorfi najugaallu. Qinigassanngortitsisut ilaat ataaseq nalunaarut pillugu qinigassanngortitsisut tamaasa sinnerlu-git saaffigineqarsinnaasutut allassimassaaq. Qinigassanngortitsisut aqqi qinersisartumit allamit kimilluunniit piumasarineqarpata nalunaarutigineqassapput.

§ 16. Kinaluunniit partiinut ataatsimit amerlanerusunut qinigassanngortissinnaanngilaq imaluunniit partiimut qinigassanngortitigaluni partiit avataanni qinigassanngortissinnaanani.

Imm. 2. Kinaluunniit qinigassanngortittunut arlalinnut qinigassanngortitsisuusinnaanngilaq. Aamma qinersisartuq taamaallaat qinersivimmi qinersisartut nalunaarsorsimaffianni allassimaffimmini qinigassanngortittunut qinigassanngortitsisuusinnaavoq.

§ 17. Qinigassanngortittup qinigassanngortitsinermik nalunaarut tunniunneqareersimasooq taaguinermik siulersuisumut qinersinissaq kingusinnerpaamik sapaatip akunnerinik pingasunik sioqqullugu nal. 12.00 tunuartissinnaavaa. Qinersisartup qinigassanngortitsisutut qinigassanngortittumik inassuteqarsimasup inassuteqarnini utertissinnaanngilaa qinigassanngortitsinermik nalunaarut taaguinermi siulersuisumut tunniunneqareersimappat.

§ 18. Taaguinermi siulersuisup qinigassanngortitanik nalunaaruteqarnissamut piffissaliussaq naaniariapat, tak. § 13, imm. 1, pilertornerpaamik telefaxikkut imaluunniit allatut iliornikkut qinigassanngortitanik nalunaarutit tiguisimasani allakkatigut qinersinermik siulersuisunut nalunaarutigissavai taakkunanilu qinigassanngortitsisut amerlassusii atorsinnaasut oqaatigalugit aammalu taaguinermik siulersuisup isumaa malillugu nalunaarutit § 12-imiit 17-imut piunnaasunik naammassinninersut paasissutissiisutigalugu.

Imm. 2. Qinersinermik siulersuisut nalunaarutissaq imm. 1-imi taaneqartoq taaguinermi siulersuisuiniit tigoreerunikkut inaarutaasumik aalajangissavaat nalunaarutit tiguneqarsimasut atorsinnaasutut isigineqassanersut, tamannalu piaartumik taaguinermik siulersuisunut nalunaarutigalugu. Qinigassanngortitapq nalunaarutigineqarnerani kukkuneqarsimappat qinersinermik siulersuisut pineqartoq kukkunerup aaqqinneqarnissaanut ulluinnarnik marlunnik piffissalissavaat.

Imm. 3. Qinersinermik siulersuisut qinigassanngortittut aqqi piaarnerpaamik tamanut nalunaarutigissavai. Qinigassanngortittoq partii sinnerlugu qinigassanngortippat imaluunniit qinigassanngortittut arlallit kattusseqatigiissimappata, nalunaarummi tamanna taaneqassaaq.

Imm. 4. Qinigassanngortittut aqqi allagarsiinikkut aammalu qinersinermik siulersuisut aalajangiinerat

malillugu nalunaarutigineqassapput.

§ 19. Qinigassanngortitanik nalunaaruteqarnissamut piffissaliussap naanerani qinersivimmi qinigassanngortitat qinersivimmi kommunalbestyrelsimut ilaasortassatut qinerneqartussaniit ikinnerusut nalunaarutigineqarsimappata qinersinermik siulersuisut qinersisartut kajumissaassavai piffissaq erseqqinnerusumik taasaq naatinngu qinigassanngortitanik amerlanerusunik nalunaarutiginnequllugit.

§ 20. Qinigassanngortitanik nalunaaruteqarnissamut piffissaliussap naanerani qinersivimmi qinigassanngortitat qinersivimmi kommunalbestyrelsimut ilaasortassatut qinerneqartussat amerlaqatigippatigit, qinersinermik siulersuisut kommunalbestyrelsimut qinersinissaq taamaatiinnassavaa nalunaarutigalugulu qinigassanngortittutut nalunaarutigineqarsimasut taasinertaqanngitsumik qinigaasut.

Imm. 2. Qinersinermik siulersuisut qinersinermut allattaavinni erseqqissumik nalunaassavaat kikkut qinigaasutut isigineqarnersut, qinigaasullu qinigaanerat pillugu allakkatigit nalunaarfigissallugit.

Qinersisussat allassimaffii

§ 21. Ulloq qinersivissaq aalajangemeqareerpat qinersinermik siulersuisut inuit kingusinnerpaamik ullormi qinersivissami § 1 malillugu qinersisinnaatitaasutut piumasaqaatinik eqquutsitsisut kiisalu qinersivirmni pineqartumi inuit aqqisa nalunaarsorsimaffiannut nalunaarsimasut kikkunernerinik allattuiffiit suliarissavai.

Imm. 2. Qinersisussat allattorsimaffianni ilaatinneqassapput inuit qinersinissaq sioqqullugu kingusinnerpaamik sap. akunnerisa arfinilissaanni qinersivimmut nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut.

Imm. 3. Qinersisartut qinersinissaq sioqqullugu kingusinnerpaamik sap. akunnerisa arfinilissaanni qinersiviup iluani nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut najugarilikkaminni allassimallutik qinersisussat allassimaffiannut ilanngunneqassapput.

Imm. 4. Qinersisartut qinersinissaq sioqqullugu kingusinnerpaamik sap. akunnerisa arfinillit iluanni qinersiviup iluani nuussimasut imaluunniit ullormit tassannga kingusinnerusumik nuunnerminnik nalunaaruteqarsimasut najugarisimasaminni najugalittut qinersisussat allattorsimaffianni nalunaarsorneqassapput.

Imm. 5. Qinersisartut qinersinissaq sioqqullugu kingusinnerpaamik sap. akunnerisa arfmillit iluanni qinersiviup avataani aalajangersimasumik najugaqarsimasut qinersinermik siulersuisunit qinersisussat allattorsimaffiannit peerneqassapput.

Imm. 6. Qinersisartut allassimaffiisa suliarineqarnerinut maleruagassat erseqqinnerusut Naalackersuisunit aalajangersameqarsinnaapput.

§ 22. Qinersisussat allassimaffiat qinersiviup iluani taasiartorfiit ataasiakkaat tamaasa immikkoortortanngorlugit suliarineqassaaq.

Imm. 2. Qinersisussat allassimaffianniissapput qinersisartut aqqi inuualu aammalu Ilagiinnut

ilaasortaanerat. Taamatuttaaq qinersisussat allassimaffiat krydsiliivissaqassaaq kommunalbestyrelsimut qinersinermi taamatullu aamma krydsiliivissaqassalluni ilagiit sinniisaannut qinersinermi.

Imm. 3. Ilagiinnut ilaasortaaneq pillugu paasisutissat tamanut saqqummiunneqassanngillat. Qinersisartoq kinaluunniit pisinnaatitaavoq nammineq qanoq nalunaarsorneqarsimanini pillugu paasitinneqarnissaminut.

Imm. 4. Qinersisussat allassimaffianni ilagiinnut immikkut tunngasuni ilanngunneqarsimaneq imaluunniit ilanngunneqarsimanninneq pillugu naammagittaalliuutit Kalaallit Nunaata biskoppeqarfiani biskoppimut ingerlatinneqassapput § 62 malillugu.

§ 23. Qinersisussat allassimaffiat kingusinnerpaamik ulloq qinersivissaq sap. akunnerinik pingasunik sioqqullugu qinersivimmi kikkunnit tamanit takuneqarsinnaanngorlugu ulluinnarni marlunni saqqumitinneqassaaq.

Imm. 2. Qinersisussat allassimaffiat qinersiviup iluani taasiartorfiit ataasiakkaat tamaasa immikkoortortanngorlugit suliarineqarsimappat immikkoortortat tamarmik kikkunnilluunniit tikinneqarsinnaasumi saqqumitinneqassapput, qinersiviullu taarsiartorfiini allani tamani saqqumitinneqassalluni qinersisussat allassimaffiata taasiartorfimmut atortup assilinerat.

Imm. 3. Qinersisussat allassimaffiata qaqugu sumilu saqqumitinneqarnissaa qinersinermik siulersuisut aalajangissavaat.

§ 24. Kinaluunniit isumaqartoq nammineq imaluunniit inuk alla pissutissaqanngitsumik allassimaffimmi ilanngunneqarsimannngitsoq imaluunniit ilanngunneqarsimasoq, qinersisussat allassimaffiata saqqumitinneqarfissaata naanerata kingorna kingusinnerpaamik ulluinnaat marluk qaangiutsinnagit qinersinermik siulersuisunut naammagittaalliornermut pissutaasut naatsumik taallugit allakkatigut naammagiltaalliuuteqarsinnaavoq.

Imm. 2. Qinersisussat allassimaffiat pillugu naammagittaalliuutit sapinngisamik piaarnerpaamik qinersinermik siulersuisunit aalangiiffigineqassapput. Qinersisussat allassimaffii tamatuma kingorna iluarsineqarsimasui qinersinermik siulersuisut siulittaasuannit atsiorneqassapput.

Imm. 3. Kinaluunniit qinersisussat allassimaffiannit peerneqarsimasoq, imaluunniit nammineq inuulluunniit allap ilanngunneqarsimanninnerannik naammagittaalliuutini pillugu isumaqatigineqanngitsoq qinersinermik siulersuisunit allakkatigut nalunaarfigineqassaaq.

Imm. 4. Inuup qinersisinnaatitaannginnerminik naammagittaalliuuteqartup qinersisussat allassimaffiata immikkoortoq 2 malillugu iluarsineqarnerata kingorna ulluinnaat marluk qaangiutsinnagit apeqqut allakkatigut saqqummiussinnaavaa Qinersinermut Ataatsimiititaliamut inaarutaasumik aalangiisussamut, taamaattoq tak. § 22, imm. 4. Qinersinermut Ataatsimiititaliap naammagittaalliortoq qinersinermilu siulersuisut attuumassuteqartut aalangiinnerminik nalunaarfigissavai, tamatumalu kingorna qinersisussat allassimaffianni iluarsisassat qinersinermik siulersuisunit iluarsineqassapput.

Imm. 5. Tamatuma saniatigut qinersisussat allassimaffiat, immikkoortoq 2 aamma 4 naapertorlugit qinersinermik siulersuisunit iluarsineqareeruni allannngortinneqarsinnaanngilaq.

§ 25. Qinersinermut Ataatsimiititaliaq pappiarat taasivissat pissarsiarinissaat, ilusilernissaat agguaanissaallu pillugit aalajangersagaliussaaq. Pappiarat taasiviit kalaallisut qallunaatullu naqitanik allagartaqassapput: "Kommunimut qinersineq".

§ 26. Taasisoqassaaq taasiartortarfinni tamani inimi qinersinennik siulersuisunit innersuussutigineqartumi.

Imm. 2. Taaguinermi siulersuisup inimi taaneqartumi ineeqqamik imatut ilusilimmik taasiveqarnissaa isumagissavaa: Taqqamani inuk nikorfasinnaassaaq ineeqqap silataani inunnit allanit takuneqarsinnaanani. Ineraq naammattumik qaammaqquteqassaaq, allannerit erseqqissumik atuarneqarsinnaallutik aammalu aqerluusamik nalinginnaasumik qernertumik peqassaaq allannermullu toqqavissamik manngertumik peqassalluni.

Imm. 3. Ineeqqap taasiviup silataani taasinermut karseqassaaq parnaarsimasumik, taannalu sananeqarsimassaaq pappiarat taasiviit taasinennut karsi ammaqqaartinnagu ammunneqarsinnaajunnaarlugit.

§ 27. Taaguinermi siulersuisup taaguinerup aallartinnerani taaguineq ammarnerarlugu nalunaarutigissavaa, najuuttullu isigitillugit karsit nakkartitsiviit ammariarlugit imaqannginnerat takutissallugu, taamaalioreerunilu karsit parnaassavai.

Imm. 2. Inimi qinersivimmi erseqqissunngorlugu inissitamik allagartaqassaaq, tassani allassimassallutik qinersivimmi partiit inuillu qinigassanngortittut aqqi. Qinigassanngortittut arlallit kattusseqatigiillutik qinigassanngortissimappata allagartaq tamatumunnga paasissutissanik imaqartinneqassaaq. Allagartap taassuma assinga ineeqqami taasivimmi, allannissami allequttap qulaatunginnguani, nivingatinneqassaaq. Allagartat taaneqartut Qinersinermut ataatsimiititaliamit pissarsiarineqassapput.

Imm. 3. Qinersisoqassaaq nammineerluni inimut qinersivimmukarnikkut, qinersisussarlu taaguinermi siulersuisumut saaffiginissaaq. Taaguinermi siulersuisup qinersisussat allassimaffianni qinersisartup aqqa nalaatigut krydsilissavaa, taavalu qinersisartop pappiaramik taasivissamik allaffigineqarsimannngitsumik tunissallugu.

Imm. 4. Taasineq pissaaq ineeqqami taasivimmi allamik inoqartussaannngitsumi. Qinersisartup pappiara taasivissaq immersussavaa qinigassanngortittup imaluunniit partiip kommunalbestyrelsimut qinigaatinniakkap aqqa allallugu. Taava qinersisartup pappiara taasivik peqissavaa, kina taasimanerini allanit takuneqarsinnaajunnaarlugu. Qinersisartop taamaalioreeruni pappiara taasivik peqitaq karsimut nakkartitsivimmut ikissavaa pissutissaqanngitsumillu uninnganani inimit qinersivimmit qimagutissalluni.

Imm. 5. Nalinginnaasumik taasisitsineq naammassereerpat taaguinermi siulersuisoq nammineerluni taasissaaq.

Imm. 6. Qinersisartup pappiara taasivik kukkusumik immersorneratigut imaluunniit mianersuaalliornikkut atorsinnaajunnaartissimaguniuk allamik taarsertissinnaavaa. Allamik taarsertitsisoqarsinnaanngilaq pappiara taasivik karsimut nakkaatitsivimmut nakkartinneqareersimappat. Pappiara taasivik atorsinnaajunnaarsitaasimasooq taaguinermi siulersuisumit immikkoortillugu toqqortarineqassaaq.

Imm. 7. Qinersisartup pappiara taasivik pissusissaatut nammineerluni immersorsinnaanngippagu taaguinermi siulersuisup qinersisartop pineqartoq ikiussavaa. Qinersisartut angallarunnertik

pissutigalugu allamilluunniit assigisaanik peqquteqarlutik inimit taasivimmut isersinnaanngitsut taaguinermi siulersuisoq isigitillugu inip taasiviup silatinnguani taasisinnaassapput. Qinersisartup tappiitsuuguni isigiarsuttuuguniluunniit taasinermini inummit najuuttumit, nammineq toqqakkaminit, taamaallaat ikiorneqarnissani piumasarisinnaavaa.

§ 28. Qinersineq aallartissaaq nal. 9 naammassineqassallunilu nal. 20, siusinnerusukkulli naammassineqassaaq qinersisussat tamarmik nalunaaqutaq taasaq nallertinnagu taasiartoreersimappata.

Taasisutininik allakkatigut nassitsinikkut taasineq

§ 29. Qinersisartut, taasinissamut piffissaliussat iluanni taasiartorfimmukarsinnaanngitsut imaluunniit aatsaat ajomartorsiorujussuarlutik taasiartorfimmukarsinnaasussat, §-ini 30 - 35-ini maleruaqqusat malillugit pappiaramik taasivimmik nassitsinermikkut taasisinnaapput.

§ 30. Qinersisartut Kalaallit Nunaanniittut inuit aqqinik nalunaarsuiffimmi, tassungalu ilanngullugu qinersivimmi qinersisussat allassimafiannut allanneqarfigisimasaminni inuit aqqinik nalunaarsuiffimmi, taasisinnaapput.

Imm. 2. Qinersisartut napparsimmavimmi imaluunniit peqqissartarfinni paarineqartarfinniluunniit allani uninngasut, napparsimmavimmi uninngaffigisaminniluunniit allami maleruaqqusat Naalakkersuisunit aalajangersakkat naapertorlugit taasisinnaapput.

Imm. 3. Qinersisartut Kalaallit Nunaanni pinerluttunik isumaginnittoqarfiup inissiisarfini inissinneqarsimasut inissinneqarfigisaminni maleruaqqusat Naalakkersuisunit aalajangersakkat naapertorlugit taasisinnaapput.

Imm. 4. Qinersisartut inoqarfinni avinngarusimasuni immikkut taasiartorfimmngitsuni najugaqartut inummut qinersisinnaasumut Qinersinermik siulersuisunit attavigisaminnit toqqarneqarsimasumut taasisinnaapput.

Imm. 5. Qinersisartut timmisartut mittarfiini, silasiorfinni il.il. kommunit aggornerisa avataanniittuni najugaqartut inummut Qinersinermut Ataatsimiititaliamit Naalakkersuisunit piginnaatitaasumut taasisinnaapput.

Imm. 6. Qinersisartut naalagaaffiup ilaani allani najugaqartut inuit aqqinik nalunaarsuiffimmi imaluunniit Qinersinermut Ataatsimiititaliamit piginnaatinneqartumi taasisinnaapput.

Imm. 7. Qinersisartut naalagaaffiup avataani najugaqartut qallunaat aallartitaqarfiini imaluunniit konsuleqarfiini taasisinnaapput.

Imm. 8. Qinersisartut umiarsuarni Kalaallit Nunaanni angerlarsimaffeqartuniittut umiarsuup naalagaanit, taassumaluunniit toqqagaanit, taasisinneqarsinnaapput.

Imm. 9. Qinersineq siusinnerpaamik sapaatip akunnerinik 6-inik sioqqullugu taasisoqarsinnaavoq.

§ 31. Qinersinermut Ataatsimiititaliap § 32, imm. 1 naapertorlugu Kalaallit Nunaanni allakkatigut taasinermi atortussat pisariaqartinneqartut pissarsiarissavai.

Imm. 2. Kalaallit Nunaata avataani taasinermi Danmarkimi Savalimmiunilu kommunimut qinersinermut atatillugu taasivissat atorneqartartut atorneqartassapput.

§ 32. Qinersisartuq taasiartorfinni § 30-imi taaneqarsimasut ilaanni taasinerinik tigooqqaasussamut

saaffiginninnermigut pappiaramik taasivimmik, puussaqaarlunilu allakkanik nassitsissutitaqaarlunilu ungaluusartalimmik tunineqassaaq. Qinersisartup allanit isigineqarani pappiara taasivik ernerluni immersussavaa kommunalbestyrelsimut qinersiviup, qinersisartut allassimaffiannut allanneqarfigisimasami, iluani partiip arlaata aqqa allallugu imaluunniit kommunal-bestyrelsimut qinersivimmi qinigassanngortissimasut arlaata aqqa allallugu.

Imm. 2. Qinersisartuq taasereemiariarpat allakkat nassitsissutit immersomeqassapput. Taakku ukuninnga imaqaassapput:

1) Qinersisartup nammineq piunassutsiminik allanillu isigineqarani pappiaramik taasivimmik immersuisimaneranik, puussaanut ikisisimaneranik taassuminngalu matusisimaneranik uppernarsaat. Qinersisartup aamma ilumoorluinnarluni uppernarsassavaa ullormi qinersivissami taasinissamut piffissaliussat iluanni taasiartorfissamukarsinnaananani imaluunniitaatsaat ajornartorsiorujussuarluni taasiartorfissamukarsinnaalluni. Qinersisartup taasinerimik tiguisusaaq isigitillugu allakkat nassitsissutissat atsiussavai, allakkanilu nassitsissutini taaneqassapput atsiorerup ullua, qinersisartup aqqi tamarmik, inuua, atorfia, kommunimilu qinersisussat allattorsimaffiannut ilanngunneqarfigisimasamini najugaa.

2) Qinersisartup atsiorerata ilumoortuuneranik aammalu qinersisartup piffissami sumiiffimmilu taasaani pisimaneranik, kiisalu allanit isigineqarani taasisimaneranik taasinerimik tiguisup uppernarsaasiussaa. Uppernarsaat taanna pineqartumit namminermit ateq, atorfik, najugarlu allallugit atsiomeqassaaq.

§ 33. Puusaaq pappiaramik taasivimmik allakkanillu nassitsissutinik imalik ikineqassaaq puussamut tassunga ikisiffissiamut, taannalu matuneqassaaq, kommunimullu qinersisartup qinersisussat allassimaffianni allanneqarfigisimasaanut nassiunneqassalluni. Puussap tunuani erseqqissumik allanneqassapput qinersisartup aqqa najugaalu. Taasinerimik tiguisup pisariaqanngitsumik kinguarsaanani puusaaq kommunimut nassitsivissamut nassitussavaa.

§ 34. Kommunip puusaaq nassiunneqarsimasooq ammarnagu ernerluni taasiartorfimmi qinersisartup pineqartup najugaatut puussami taaneqarsimasumi taaguinermi siulersuisumut ingerlateqqissavaa. Puussat taaguineq naammassitinnagu taaguinermi siulersuisumit tiguneqareersimassapput.

§ 35. Taaguinerup naammassineqariitsiamerani puussat tiguneqarsimasut taaguinermi siulersuisumit ammarneqassapput, taassumalu misissussavaa allakkatigut taasinerit taasinerit ilanngunneqarsinnaanersut. Allakkatigut taasineq taasinemut ilanngunneqarsinnaappat qinersisartup pineqartup aqqa qinersisussat allassimaffianni krydsilerneqassaaq, taavalu allakkat puusaaq pappiaramik taasivimmik imalik ammamagu karsimut nakkartitsivimmut nakkartinneqassaaq.

Imm. 2. Paasineqarpat puusaaq inummit qinersisussat allassimaffianni ilanngunneqarsimannngitsumeersoq, imaluunniit qinersineqartinnagu toqusimasumeersoq, taava naatsorsuutigeqqinneqassanngilaq. Aamma taamaappooq puusaaq allamik imaluunniit allakkanik nassitsissutinik ataasiinnaanngitsunik allakkalluunniit puuannik ataasiinnaanngitsumik imaqarpat, imaluunniit puussap, allakkat puuata allakkalluunniit nassitsissutit isikkuatigut isumaqarnarpat inatsimmut naapertuuttumik suliarineqarsimasuunngitsoq, imaluunniit immersorneqarnerat, uppernarsarneqarsimanerat atsiorneqameralluunniit peqqussutigineqartut malillugit pisimanngippat, takuuk § 32.

Imm. 3. Puussat aatsaat taasineq naammassereersoq taaguinermi siulesuisumit tiguneqartut naatsorsuutigineqassanngillat.

Imm. 4. Qinersisartut ullormi qinersivimmi taasisimasut allakkatigut taasineri ilanngunneqarsinnaanngillat.

Imm. 5. Puussat, allakkat nassitsissutit, allakkat puui pappiarallu taasiviit tamarnik qinersinermik siulersuisunut nassiunneqassapput atortussanut § 44-mi taaneqartunut ilanngullugit.

Taasanik kisitsineq il.il.

§ 36. Taaguineq naammassineqamiariapat taaguinermi siulersuisup immikkut poortugakkuutaarlugit makku qilersussavai:

- 1) Pappiarat taasiviit atorsimanngitsut aamma
- 2) pappiarat taasiviit allamik taarsigassatut utertinneqarsimasut.

Imm. 2. Taamaalioreerniararluni najuuttut isigitillugit karsi taasivinnut nakkaatitsivik ammassavaa taamaalioreerpallu pappiarat taasiviit qaqinneqassapput iluarsaanneqassallutillu pappiarat taasiviit

- 1) partiimut taassumalu qinigassanngortitaanut,
- 2) kattuseqatigiillutik qinigassanngortittunut aamma
- 3) qinigassanngortittunut partiit kattuseqatigiillu avataanniittunut immikkoortiterlugit qaleriissakkuutaarlugit. Taamaalereerpata partiinut qinigassanngortitsisunut, kattuseqatigiinnut tamanut aammalu partiit avataasigut qinigassanngortittunut tamanut taasinerit qanoq amerlassuseqarnersut kisinneqalissapput.

Imm. 3. Taaguinermi siulersuisup tamatuma kingorna partiinut, kattuseqatigiinnut aammalu partiit avataasigut qinigassanngortittunut ataasiakkaanut tamaasa ataasiakkaarlugit naatsorsuusiussavai taasinerit qassit qinigassanngortittunut ataasiakkaanut tunngatinneqassanersut.

Imm. 4. Inuit qinersisinnaatitaasut ikinnerpaamik marluk qinersinermi taasinerik kisitsinermik tamanut ammasuusumik malinnaajartorlutik najuukkiartorsimanngippata taaguinermi siulersuisoq qinersisinnaasut akornanni inunnik marlunnik uppernarsaasussatut najuuttussanik aggersaassaaq.

§ 37. Pappiara taasivik inimi qinersivimmi taasivigineqarsimasoq atorsinnaanngilaq:

- 1) Allaffigineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataanniittoq sorleq qinersisartup taaniarsimaneraa,
- 3) pappiarap taasiviup isikkua malillugu isumaqarnarpat pappiara taasivik inatsit naapertorlugu suliarineqarsimasuunngitsoq.

Imm. 2. Allakkatigut taasivik atorsinnaanngilaq:

- 1) Allaffigineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataanniittoq sorleq qinersisartup taaniarsimaneraa,
- 3) allakkat puussat allamik imaqarpat imaluunniit pappiaranik taasivinnik ataatsimit amerlanerusunik imaqarpat,
- 4) pappiarap taasiviup isikkua malillugu isumaqarnarpat pappiara taasivik inatsit naapertorlugu suliarineqarsimasuunngitsoq imaluunniit pissusissat naapertorlugit immersorneqarsimanngippat.

Imm. 3. Pappiara taasivik atorsinnaangitsuutin eqarpata tamanna qinersinermik allattaavimmi, taaguinermi siulersuisup allattuiffigisaani, allanneqassaaq, atorunnaarsitaanerannullu tunngaviusoq naatsumik taaneqarluni.

Imm. 4. Pappiarat taasiviit, taakkunungalu ilanngullugit allakkatigut taasiviit, naliliiffigineqartarnissaat pillugu malittarisassanik Naalakkersuisut aalajangersaasinnaapput.

§ 38. Taasinermik kisitsineq naammasseriiginnartuq taasinernik nutaamik kisitsisoqalissaaq. Aatsaat kisitsinerit marluk assigiimmik inerneqarpata taaguinermi siulersuisup qinersinermi taasinerit inernerit inaarutaasumik naatsorsussavai.

§ 39. Qinersinermik allattaavimmi partiit qinigassanngortittullu nalunaarsorneqassapput. Allatorneqassapput partiit ataasiakkaat taasinernik qasseraarsimanersut, aammalu allanneqassallutik partiit ataasiakkaat sinnerlugit aammalu partiit avataanni qinigassanngortittut tamarmik immikkut qassinik taaneqarsimanersut.

§ 40. Taasiartorfimmi qinersinerup inemera taaguinermi siulersuisup ingerlaannarluni qinersinermik siulersuiunut nalunaarutigissavaa.

Imm. 2. Qinersinermik siulersuisut nalunaarutit imm. 1-imi taaneqartut qinersivimmi taasiartorfimmit tigugunikkit ingerlaannartumik Qinersinermut Ataatsimiititaliamut nalunaarutigissavaat. Nalunaarummi ilanngullugit taaneqassapput taasiartorfimmi ataasiakkaani qinersisinnaatitaasut qassiuneri aammalu qinersinermut atatillugu pissutsinik immikkut ittunik qinersinerup inerneranut sunniuteqarsinnaasunik atuuttoqarsimanersooq oqaatigineqassalluni.

§ 41. Qinersinermik siulersuisut taaguinermi siulersuisunit naatsorsukkat inernerit tigoreerunikkit qinersivimmi qinersinerup tamakkerluni inenera naatsorsussavaat.

Imm. 2. Naatsorsuinermit taasinerit ataatsimut naatsorsorneqassapput makkununga agguataarlugit

- 1) partiit ataasiakkaat taakkulu qinigassanngortitaat
- 2) katusseqatigiit ataasiakkaat qinigassanngortitaat
- 3) kisimiillutik qinigassanngortittut ataasiakkaat.

Tamatuma kingorna ilaasortaaffiit agguataarneqassapput d'Hondtip periaasia malillugu, tassa partiit ataasiakkaat, katusseqatigiit ataasiakkaat kisimiillutillu qinigassanngortittut ataasiakkaat taasisaasa katinneri 1-imi, 2-mik, 3-mik kommunalbestyrelsimilu ilaasortaasinnaasut amerlassusaat tikillugu agguartimeqassapput. Qinersivimmi siulliulluni ilaasortanngussaaq partii, katusseqatigiit imaluunniit kisimiilluni qinigassanngortittoq amerlanerpaamik taagorneqarsimasooq, qinersivimmi tulliulluni ilaasortanngussalluni partii, katusseqatigiit imaluunniit kisimiilluni qinigassanngortittoq, amerlanerpaamut tulliulluni taaguunneqarsimasooq ilaasortaaffissat tamakkernissaasa tungaanut.

Imm. 3. Qinersivimmi ilaasortaaffiit partiimit katusseqatigiiffimilluunniit ilaasortaaffigineqalersussat partiip katusseqatigiiffiilluunniit qinigassanngortitaanut agguarneqassapput qinersivimmi siulliulluni ilaasortaasussanngorlugu qinigassanngortitaq amerlanerpaamik taagorneqarsimasooq, qinersivimmi tulliulluni ilaasortaasussanngorlugu qinigassanngortitaq amerlanerpaamut tulliulluni taaguunneqarsimasooq ilaasortaaffissat tamakkernissaasa tungaanut.

Imm. 4. Partiit, katusseqatigiit kisimiillutilluunniit qinigassanngortittut arlallit amerlaqatigiimmik taaguunneqarsimappata, tak. imm. 2, qinersinermik siulersuisut tannermoortitsineratigut

aalajangerneqassaaq kia arlaata ilaasortaaffik pissarsiarissaneraa. Aamma taamaappoq partiip kattusseqatigiilluunniit qinigassannngortitaasa akornanni ilaasortaaffiit agguarneqarneranni, tak. imm. 3, partiip imaluunniit kattusseqatigiit qinigassannngortitaat arlallit assigiimmik taagorneqarsimappata.

§ 42. Qinersinermik siulersuisut sinniisussanik nalunaarsuiffik suliarissavaa. Nalunaarsuiffimmi allatorneqassapput qinigassannngortittut qinigaasimannngitsut, kisiannili sinniisussatut kommunalbestyrelsimut ilaasortaasinnaatitaasut, takukkit §-it 50 aamma 51.

Imm. 2. Sinniisussanik nalunaarsuiffik partiinut kattusseqatigiinnullu ataasiakkaanut suliarineqartassaaq, taamaalillutik qinigassannngortittut qinigaannngitsulli taagorneqarnertik malillugu tulleriinnilersomeqassallutik.

Imm. 3. Sinniisussanik nalunaarsuiffimmi qinigassannngortittut arlallit amerlaqatigiinnik taaguunneqarsimappata tulleriinnilersuineq qinersinermik siulersuisut tannermoortitsineratigut aalaj angemeqassaaq.

§ 43. Qinersinermik siulersuisut qinersinermik allattaavimmut allassavaat kikkut ilaasortassatut qinigaasutut isiginerini, taavalu qinigaasut qinigaanerannik allaffigissallugit.

§ 44. Kingusinnerpaamik qinersinerup aqaguani taaguinermi siulersuisup pappiarat taasiviit qilertakkuutaarlugit ukuninnga imaqartillugit poortussavai:

- 1) Pappiarat taasiviit atorsinnaasut,
- 2) pappiarat taasiviit allaffigineqarsimannngitsut allallu atorsinnaannngitsut.

Imm. 2. Tamatuma kingorna poortukkat immikkoortoq 1-imi aamma § 36, imm. 1-imi taaneqartut qinersisussat allassimaffii atorneqarsimasut aammalu qinersinermik allattaavik taaguinermi siulersuisumit immersorneqarsimallunilu atsiorneqarsimasoq ilanngullugit, qinersinermik siulersuiunut piaarnerpaamik nassiunneqassapput.

§ 45. Qinersinermik siulersuisut atortussat § 36, imm. 1-imi aamma § 44-mi taaneqartut qinersivimmi taasiartorfinnit tamaniit tigoreerunikkit, taamaattorli qinersinerup kingorna siusinnerpaamik sap. ak. marluk qaangiutereerpata, ataatsimiissapput qinersinerup ingerlanneqarsimasup atorsinnaassusia aalajangerniarlugu, taamaattorli tak. § 53. Ataatsimiinnermut tassunga qinigassannngortittut qinigaasutut isigineqartut aggersameqassapput.

Imm. 2. Qinigassannngortittut qinigaasimagunik qinigaasimannngikkunilluunniit, aammalu kialluunniit qinersivimmi qinersisartup qinersinerup atorsinnaassusia naammagittaalliutigisinnaavaat. Naammagittaalliomeq pissaaq allakkatigut, akerliliinnermut pissutaasoq naatsumik oqaatigalugu, taasiartorfimmilu pineqartumi taaguinermi siulersuisumut nassiunneqassalluni kingusinnerpaamik qinersinerup kingorna ullut arfineq marluk qaangiutsinnagit. Taaguinermi siulersuisup naammagittaalliut oqaaseqaatigisariaqarsorisaminik ilallugu piaarnerpaamik qinersinermik siulersuisunut ingerlateqqissavaa.

Imm. 3 Qinersinermik siulersuisuni ilaasorta qnaammagittaalliuteqarpat, naammagittaalliullu taaguiffiinmi pineqartumi taaguinermi siulersuisumut saqqummiunneqarsimannngippat apeqqutip aalajangiiffigineqamissaa kinguartiineqassaaq taama oqaaseqaateqartoqamissaata tungaanut.

Imm. 4. Qinersineq qinersinermik siulersuisuni amerlanerussuteqartunit atortussaajunnaarsinneqannngikkuni akuerineqartutut isigineqassaaq.

Imm. 5. Qinersinermik siulersuisut aalajangiineri qinersinermik allattaavimmut allanneqassapput

qinersinermillu allattaaviup nuutinneqarnera Qinersinermut Ataatsimiititaliamut nassiunneqassaaq.

§ 46. Qinersinermik siulersuisut naammagittaalliuutit tiguneqarsimasut pillugit § 45 naapertorlugu aalajangiineri aalajangiinermi ullut arfineq marluk qaangiutsinnagit Qinersinermut ataatsimiititaliamut ingerlateqqinneqarsinnaapput, taassuma aalajangiinera inaarutaassalluni. § 45, imm. 2 naapertorlugu qinersineq pillugu Qinersinermik siulersuisunut naammagittaalliuuteqarsinnaatitaasut aamrna matumani naammagittaalliuuteqarsinnaatitaapput. Naammagittaalliuut qinersinermik siulersuisunut pineqartunut allakkatigut tunniunneqassaaq, taassumalu taanna piaarnerpaamik Qinersinermut ataatsimiititaliamut ingerlateqqissavaa oqaaseqaatitalerlugu.

Imm. 2. Qinersinermi annertuumik kukkusoqarsimappat Qinersinermut ataatsimiititaliaq pisinnaatitaavoq tunngavilersukkamik aalajangiinermigut qinersineq atorsinnaanngitsutut nalunaarutigissallugu qinersinermilu siulersuisut peqqussallugit nutaamik qinersisitseqqeqqullugit.

§ 47. Sapinngisamik piaartumik qinerseqqinneqassaaq.

Imm. 2. Qinersisussat allassimaffiata atorneqarsimasup annertuumik amigaateqarnera pissutigalugu qinersineq atortussaajunnaarsitaappat, qinersinerup atortussaajunnaarsitaanerata peqatigisaanik aalajangerneqarsinnaavoq qinersisussat allassimaffiat iluarsineqassasoq nutaamik qinerseqqinneqartinnagu inuit qinersinermi atortussaajunnaarsitaasumi qinersisussat allassimaffianni ilanngunneqarnissaminnut pinmasarisaasunik eqqortitsisimangitsut piiameqarnerisigut aammalu inuit allassimaffimmi ilanngunneqarsimasussaagaluartut ilanngunneqarnerisigut. Taamatut aalajangiisoqarpat qinersinermik siulersuisut qinersinermik allattaaviup taamatut suliarineqarsimasup nalinginnaasumik misissorneqarnissaanut il.il. erseqqinnerusumik maleruaqqusalussapput.

§ 48. Qinersinermik siulersuisut ilaasortat nutaat qinigaanerat akuerisimappagu, aalajangiinerlu piffissaliussap § 46, imm. 1-imi taaneqartup naannginnerani Qinersinermut ataatsimiititaliamut naammagittaalliuutigineqarsimangippat, kommunalbestyrelsiusimasoq aprilip 30-iani tunuassaaq.

Imm. 2. Aalajangiineq piffissaliussap iluani Qinersinermut ataatsimiititaliamut naammagittaalliuutigineqarsimappat kommunalbestyrelsi ingerlaannassaaq, Qinersinermut ataatsimiititaliaq aalajangerserlugu qinersisoqaqqissanngitsoq, imaluunniit inatsisit malillugit nutaamik qinersisoqareernissaata tungaanut.

Imm. 3. Kommunalbestyrelsi imm. 1-imi malittarisassat malillugit aprilip 30-iata kingorna atuuttoq Naalackersuisut akuersiseqqaartiraiagit aningaasartuuteqarsinnaanngilaq missingersuutini akuersissutaareersuni aalajangersarneqarsimangitsumik, imaluunniit pisussaaffiliisinnaani missingersuutini tunngavissaqanngitsunik.

§ 49. Kommunalbestyrelsimut ilaasortaasimasut tunuarniaripata kommunalbestyrelsi nutaamik qinigaq sulilissaaq.

Imm. 2. Naak kommunalbestyrelsiusimasoq tunuaraluortoq borgmesteriusup kommunimi ulluinnarni suliassat ingerlatiinnassavai, kommunalbestyrelsip nutaap inissitsiternissaata tungaanut.

Qinigaqffiup iluani ilaasortap tunuarnera

§ 50. Ilaasortaq qinigaqffiup iluani kommunalbestyrelsimi tunuarniarluni qinnuteqarpat,

kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq.

Imm. 2. Ilaasortaq qinigaaffiup iluani kommunalbestyrelsimut ilaasortaaajunnaarpat, nammineersinnaajunnaarsitaappat imaluunniit toquppat, sinniisussamit taarsemeqassaaq. Tamanna aamma atuuppoq Qinigaasinnaassutsimut Ataatsimiititaliaq aalajangiippat qinigassanngortitaq qinigaq qinigaasinnaanngitsaq.

Imm. 3. Ilaasortaq qinersivimmi najugaqarunnaarallarpas kommunalbestyrelsip aalajangersinnaavaa pineqartup qinigaasinnaanini annaasimanngikkaa, taamaalillunilu kommunalbestyrelsimut ilaasortaaajunnaarallaaraiassalluni qinersivimmi aalajangersimasumik najugaqaqqilernissami tunngaanut.

§ 51. Kisimiilluni qinigassanngortittoq kattusseqateqarani qinigassanngortissimasoq pissutsit § 50-imi taaneqartut tunngavigalugit ilaasortaaajunnaarpat naammaqqutissamik qinersineqassaaq, taamaattoq tak. § 52.

Imm. 2. Ilaasortaaffik inuttaaruttoq partii sinnerlugu kattusseqatigiittulluunniit qinigaanikkut pissarsiaalluni qinersivimmi ilaasortaaffmppat ilaasortaaffik partiip kattusseqatigiilluunniit qinersivimmi qinigassanngortissimasaanit qinigaanngitsunit amerlanerpaanik taaneqarsimasumit pissarsiarineqassaaq, tak. § 42. Partii kattusseqatigiilluunniit qinersivimmi ilaasortaaffiup inuttaaruttup inuttalernissaanut sinniisussamik peqanngippata naammaqqutissamik qinersineqassaaq, taamaattoq tak. § 52.

§ 52. Kommunalbestyrelsimi aallaqqaammut ilaasortasut affaanit amerlanerusut aalajangiippata, § 51-imi aalajangersakkat apeqqutaatinnagit, naammaqqutissamik qinersineqassanngilaq.

Imm. 2. Naammaqqutissamik qinersinermi qinigaasoq taamaallaat kommunalbestyrelsip atuuffissaata sinneranut qinigaassaaq.

Qinigaasinnaassuseq pillugu ataatsimiititaq

§ 53. Naalakkersuisut Qinigaasinnaassutsimut ataatsimiititaliamik pilersitsissapput, tassani siulittaasuussaaq Kalaallit Nunaanni landsdommeri allanillu sisamanik ilaasortaqassalluni, taakkunannga marluk Kalaallit Nunaanni Kommunit Kattuffiata toqqassavai kommunalbestyrelsinut nunaqarfínnilu aqutsisunut ilaasortat akornanni Inatsisartullu toqqassallugit marluk ilaasortami akomanni. Tamatumunnga peqatigitillugu ilaasortat sisamat tamarmik sinniisussaannik toqqaasoqassaaq. Qinersinerit ukiuni sisamani atuutissapput.

Imm. 2. Kommunalbestyrelsimi ilaasortap qinigaasinnaanermik annaasaqarsimaneranut apeqqutini tamani ataatsimiititaq aalajangiisassaaq, tak. § 4. Kalaallit Nunaata Biskoppeqarfiani biskoppi ilagiit sinniisaannut qinigaasinnaassuseq pillugu suliassani ataatsimiititamut aggersarneqartassaaq.

Imm. 3. Kommunalbestyrelsimut qinersinerup kingoma qaammat ataaseq qaangiutsinnagu kommunalbestyrelsit Qinigaasinnaassutsimut ataatsimiititaliamut nassiutissavaat kommunalbestyrelsimut ilaasortatut qinikkat tamarmik aqqisa cpr.nr.-muisalu allattorsimaffiat.

Imm. 4. Qinigaasinnaassutsimut ataatsimiititaliap Kalaallit Nunaanni Politimesteri

oqaaseqaateqartissavaa kommunalbestyrelsimi ilaasortanngorlaat § 4 naapertorlugu pineqaatissinneqarsimanersut. Taamaattoqarsimappat Politimesterip aalajangiinerup allattorsimaffiata assinga Qinigaasinnaassuseq pillugu ataatsimiititamut nassitissavaa.

Imm. 5. Ilaasortaq piffissap qinigaaffiup iluani § 4 naapertorlugu pinerluttulerinermik inatsisit tunngavigalugit pineqaatissinneqarpat Kalaallit Nunaanni Politimesterip Qinigaasinnaassuseq pillugu ataatsimiititamut nassitissavaa aalajangiinerup allattorsimaffiata assinga.

Imm. 6. Qinigaasinnaassuseq pillugu ataatsimiititap kommunalbestyrelsi ilaasortarlugu pineqartoq piffissaq siulleq atorlugu nalunaarfígissavai aalajangiisimaneq pillugu, Politimesterip oqaaseqaatai tiguneqarsimasut tunngavigalugit aalajangiisoqaraangat.

Imm. 7. Qinigaaffiup nalaani sinniisussaq ilaasortaq sinnerlugu ilaasortanngorpat, qinigaasinnaassuseq pillugu aalajangiisoqassaaq maleruaqqusat qulaani allassimasut naapertorlugit, pineqartoq taamaallaat piffissami killilimmi ilaasortanngoraluarpuunniit.

Imm. 8. Maleruaqqusat imm. 1-imiit 7-imut allassimasut atuupputtaaq kommissioninut, aalajangersaasartutut ataatsimiititanut, siunnersuisoqatigiinnut il.il. ilaasortanut, kommunit ataatsimiititaliaannut qinigaasinnaassuseqarneq naapertorlugu ilaasortaasinnaasoqaraangat, piffissarli qaammammik ataatsimik sivisussusilik pineqartup ullormiit toqqagaaffianiit naatsorsuullugu.

Imm. 9. Qinigaasinnaassuseq pillugu ataatsimiititap aalajangiineri inaarutaassapput.

Kapitali 2

Nunaqarfimmi aqutsisunut qinersineq

§ 54. Nunaqarfimmi aqutsisunut qinersisinnaatitaavoq kinaluunniit § 1 malillugu kommunalbestyrelsimut qinersisinnaatitaanermut piumasarisasunik eqqortitsisimasoq, aammalu qinersinissaq kingusinnerpaamik ullunik 14-inik sioqqullugu nunaqarfimmi aalajangersimasumik najugaqarsimasoq.

Imm. 2. Qinersinissaq ullunik 14-inik sioqqullugu qinersinermik siulersuisut suliarissavaat inuit ullormi qinersivissami qinersisinnaatitaallutik nunaqarfimmi najugallit allattorsimaffiat.

Imm. 3. Qinersisussat allattorsimaffiat suliarineqarnermi kinguinngua ulluni marlunni saqqumitinneqassaaq.

Imm. 4. Inuk qinersisussat allattorsimaffiannut ilanngunneqarsimasoq qinersisussat allattorsimaffiata suliarineqareernerata kingorna nunaqarfiup avataani aalajangersimasumik najugaqalersimasoq qinersisussat allattorsimaffiannit piiarneqassaaq.

Imm. 5. Kinaluunniit qinersisartut allassimaffiannut ilanngunneqarsimatinnani qinersisinnaatitaanngilaq.

Imm. 6. Qinersisartut allassimaffianni ilanngunneqarsimannginneq imaluunniit ilanngunneqarsimaneq pillugu naanimagittaalliutit eqqarsaatigalugit § 24-mi maleruagassat atorneqassapput.

§ 55. Nunaqarfimmi aqutsisunut qinigaasinnaatitaavoq kinaluunniit § 54, imm. 1 naapertorlugu tassunga qinersisinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi nunaqarfimmi aqutsisunut ilaasortaanissamut

naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimangikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpuunniit.

Imm. 3. Qinigaasinnaanermik annaasaqarneq pillugu §§50 aamma 53-imi maleruaqqusat aamma nunaqarfimmi aqutsisunut ilaasortanut atuutissapput.

§ 56. Sioqqutsisumik kommunini tusarniaasoqareerneratigut nunaqarfínni suni nunaqarfimmi aqutsisunut qinersisoqarsinnaanersoq aammalu nunaqarfínni ataasiakkaani tamani nunaqarfínni aqutsisunut ilaasortat amerlassusissaat Naalakkersuisut aalajangissavaat.

§ 57. Nunaqarfimmi aqutsisut ukiuni sisamani atuuttussatut qinigaassapput ilaasortallu tamarmiusut ataatsikkut tunuassallutik.

Imm. 2. Piffissap Nunaqarfimmi aqutsisut qinigaaffiata piffissaq kommunalbestyrelsimut qinigaaffik malissavaa.

§ 58. Kommunini tamani qinersineq piareersarneqarlunilu siulersorneqassaaq qinersinermik siulersuisunit.

Imm. 2. Nunaqarfíit tamarmik immikkut taasiartorfiupput. Qinersinermik siulersuisut nunaqarfínni tamani taaguinermik siulersuisussanik toqqaassapput.

Imm. 3. Qinersinerup piareersarneqarnera eqqarsaatigalugu §§7-11-imi maleruaqqusat aamma malinneqassapput.

§ 59. Qinigassanngortitanik nalunaarutit nunaqarfínni taaguinermik siulersuisumut tunniunneqareersimassapput kingusinnerpaamik qinersinissaq ullunik 10-nik sioqqullugu nal. 12.00.

Imm. 2. Qinigassanngortitanik nalunaarutit il.il. eqqarsaatigalugit §§ 12 - 20-imi maleruaqqusat aamma malinneqassapput.

§ 60. Qinersinermut ataatsimiititaliaq pappiarat taasivissat pissarsiarinissaat, ilusilemissaat agguaanissaallu pillugit aalajangersagaliussaaq, pappiarat taasiviit kalaallisut qallunaatullu naqitanik allagartaqassapput "Nunaqarfimmi aqutsisunut qinersineq".

Imm. 2. Qinersinermi taaguineq eqqarsaatigalugu §§ 26 - 28-imi maleruaqqusat aamma malinneqassapput.

Imm. 3. Qinersisartut taasinissamut piffissaatitatu iluanni taasiartorfimmukarsinnaanngitsut imaluunniit aatsaat ajornartorsiorujussuarlutik taasiartorfimmukarsinnaasut §§ 30-35-imi maleruaqqusat malillugit taasinnaapput, tassunga ilanngullugu danskit Kalaallit Nunaata avataani taasinissami allakkatigut taasinermi atugassaat atorlugit.

§ 61. Nunaqarfínni ataasiakkaani qinersinerup inernerata naatsorsorneranut nalunaarutigineranullu aammalu piffissap qinigaaffiup ingerlanerani ilaasortat tunuarnerat il.il. eqqarsaatigalugit kommunalbestyrelsimut qinersinermut maleruaqqusat assingi atuupput, tak. kap. 1.

Kapitali 3

Ilagiit sinniisaannut qinersineq

§ 62. Ilagiit sinniisaannut qinersisinnaatitaavoq kinaluunniit § 1 malillugu kommunalbestyrelsimut qinersisinnaatitaanermut piumasarisaasunik eqqortitsisimasoq aammalu Ilagiinnut ilaasortaasoq.

Imm. 2. Kinaluunniit qinersisartut allassimaffiannut ilanngunneqarsimatinnani qinersisinnaatitaanngilaq.

Imm. 3. Qinersisartut allassimaffii eqqarsaatigalugit §§ 21-24-ini maleruaqqusat aamma malinneqassapput.

§ 63. Immikkoortoq 3-mi taaneqartut eqqaassanngikkaanni Ilagiit sinniisaannut kinaluunniit qinigaasinnaatitaavoq § 62 naapertorlugu tassunga qinersisinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi ilagiit sinniissaanni ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigaassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaamginnera pillugu akerliliisoqaraluaipalluunniit.

Imm. 3. Ilageeqarnek pillugu inatsisartut peqqussutaat sukkulluunniit atuuttoq naapertorlugu inuit ilagiit sinniissaanni ilaasortaaussat tassunga qinigaasinnaanngillat.

Imm. 4. Qinigaasinnaanermik annaasaqarnek pillugu §§ 50 aamma 53-imi maleruaqqusat aamma ilagiit sinniisaannut ilaasortanut atuutissapput.

§ 64. Sioqqutsisumik Kalaallit Nunaata Biskoppeqarfani biskoppimut aamma provsteqarfii allaffiñut tusarniaasoqareerneratigut oqaluffinni aamma atuarfmitigalutik naalagiartarfinni suni ilagiit sinniisaannut qinersisoqarsinnaanersoq aammalu sumiiffinni tamani ilagiit sinniisaannut ilaasortat amerlassusissaat Naalakkersuisut aalajangissavaat.

Imm. 2. Sumiiffinni ilagiit sinniisaannut qinersiffiusussaangitsuni qinersisartut taakkunani najugaqartut, tak. § 62, ilagiit sinniisaannut qinersinermi sumi qinerseqataassanersut Naalakkersuisut aalajangissavaat.

§ 65. Ilagiit sinniisaat ukiuni sisamani atuuttussatut qinigaassapput, ilaasortallu tamarmiusut ataatsikkut tunuassallutik.

Imm. 2. Piffissap ilagiit sinniisaasa qinigaaffiata piffissaq kommunalbestyrelsimut qinigaaffik malissavaa. Qinersinermut ataatsimiititaliap ulloq qinersinerup ingerlanneqarfissaa aalajangersassavaa.

§ 66. Kommunini tamani qinersineq piareersameqarlunilu siulersorneqassaaq qinersinermik siulersuisunit.

Imm. 2. Qinersinerup piareersarneqarnera eqqarsaatigalugu §§ 7 - 11-ini maleruaqqusat aamma malinneqassapput.

§ 67. Ilagiit sinniissaannut qinersinissaq kingusinnerpaamik qaammatinik marlunnik sioqqullugu palasi palaseqarfiup pisortaqarfittut siulersuisua ilagiinnik ataatsimiigiaqqusissaaq, ataatsimiinnermi tassani pisortaqarfiimmi siulersuisup taassuma imaluunniit taanna pisinnaanngippat palaseqarfiimmi palasit arlaata imaluunniit ajoqip ilagiit sinniisaasa suliassaat nassuiaateqaatigissavai paasiniassallugulu ilagiit sinniisaannik naammattunik qinersinissap siunnersuutiginnissaa isumaqatigiissutigineqarsinnaanersoq.

Isumaqatigiittoqarsinnaappat ataatsimiinnermi imaluunniit ataatsimiinnermut atatillugu qinigassanngortitat qinigaatinniakkat nalunaarsorneqassapput, tak. § 68, imm. 1.

Imm. 2. Ataatsimiinnissamut imm. 1-imi taaneqartumut ataatsimiigiaqqusineqassaaq ataatsimiinnissap siornatigut sapaatini kingullerni pingasuni naalagiarnemi ataatsimiinnissap nalunaarutigineqameratigut, qaqugu sumilu ataatsimiinnissaq oqaatigineqassalluni aammalu allagarsiinikkut kiisalu qinersinermik siulersuisut erseqqinnerusumik aalajangiinerisigut.

Imm. 3. Ataatsimiinnissami tassani taamaallaat peqataasinnaapput inuit ilagiit sinniisaannik qinersisinnaatitaasut.

Imm. 4. Ataatsimiinnermi imm. 1-imi taaneqartumi qinigassanngortitassat naammattut isumaqatigiissutigineqaraluarpataluunniit qinigassanngortitat allat § 70, imm. 1-imi piffissaliussap naannginnerani taaguivimmi pineqartumi qinersinissamik siulersuisumut nalunaarutigineqarsinnaapput.

§ 68. Qinigassanngortitanik nalunaarut Qinersinermut ataatsimiititaliap qinigassanngortittut pillugit allaffissiaasigut nalunaarutigineqartassaaq, taaguivimmilu pineqartumi taaguinermik siulersuisumut tunniunneqareersimassapput kingusinnerpaamik qinersinissaq sap. akunnerinik pingasunik sioqqullugu nal. 12.00.

Imm. 2. Inuit qinigassanngortitat tamarmik immikkut ikinnerpaamik tallimanik amerlanerpaa-millu qulinik qinigassanngortitsisoqassapput, aammalu taamaallaat qinigassanngortitsisuusinnaapput inuit ilagiit sinniisaannik qinersisinnaatitaasut. Kinaluunniit qinigassanngortittumit ataatsimit amerlanerusunut qinigassanngortitsisuusinnaangilaq.

Imm. 3. Qinigassanngortittup qinigassanngortitsinermik nalunaarut tunniunneqareersimasooq taaguinermik siulersuisumut kingusinnerpaamik imm. 4-imi piffissaliussap naannginnerani tunuartissinnaavaa.

Imm. 4. Piffissaliussap naanerani ilagiit sinniisaattut qinerneqartussaniit amerlanerusunik qinigassanngortittoqanngippat qinigassanngortitaasut qinigaasutut isigineqassapput.

Imm. 5. Piffissaliussap naanerani ilagiit sinniisaattut qinerneqartussaniit amerlanerusunik qinigassanngortittoqarpat taakkunannga qinersineqassaaq, qinigassanngortittullu aqqi allagarsiinikkut aammalu qinersinermik siulersuisut erseqqinnerusumik aalajangiinerat malillugu tamanut saqqummiunneqassapput.

§ 69. Qinersinermut ataatsimiititaliaq pappiarat taasivissat pissarsiarinissaat, ilusilernissaat agguaannissaallu pillugit aalajangersagaliussaaq, pappiarat taasiviit kalaallisut qallunaatullu naqitanik allagartaqassapput "Ilagiit sinniisaannut qinersineq".

Imm. 2. Qinersineqassaaq kommunalbestyrelsimut qinersinerup peqatigisaanik taasiartorfissani tamani inimi qinersinermik siulersuisut innersuussutaani.

Imm. 3. Taaguinermik siulersuisup ilagiit sinniisaannik qinersinermi pappiaranut taasivinnut immikkut nakkaatitsivik pissarsiarissavaa.

Imm. 4. Qinersinerup ingerlanneqarnissaa, tassunga ilanngullugu taasissutininik nassiussilluni taasineq, eqqarsaatigalugit §§ 26 - 35-ini maleruaqqusat aamma malinneqassapput.

§ 70. Qinersinerup naatsorsorneqarnerani siulliulluni ilaasortanngussaaq inuk amerlanerpaanit taagomeqarsimasooq, tulliulluni ilaasortanngussalluni inuk amerlanerpaanik taagorneqarsimasup tulliatut taagorneqarsimasooq ilagiit sinniisaanni inissat tamakkerlugit agguaanneqarserlugit.

Imm. 2. Qinigassangortitat arlallit amerlaqatigiimmik taagorneqarsimappata taaguinermik siulersuisup tannermoortitsineratigut aalajangerneqassaaq arlaat kina qinigaanersoq.

Imm. 3. Taaguinermik siulersuisup sinniisussanik nalunaarsuiffik suliarissavaa, tassani allatorneqassapput qinigassangortissimasut qinigaanngitsulli taaguunneqarnertik malillugu tulleriinnilersorneqarlutik. Qinigassangortittut arlallit amerlaqatigiinnik taaguunneqarsimappata taaguinermik siulersuisup tannermoortitsineratigut tulleriinnilersuineq aalajangerneqassaaq.

Imm. 4. Qinersinerup naatsorsorneqarnera eqqarsaatigalugu §§ 36 - 40-ni, §§ 43 - 46-ni aammalu § 48-mi maleruaqqusat aamma malinneqassapput.

§ 71. Ilaasortatut qinigaasoq piffissap qinigaaffmp ingerlanerani ilagiit sinniisaannit tunuarpat, nammineersinnaajunnaarsitaappat imaluunniit toquppat sinniisussamit taarserneqassaaq.

Imm. 2. Ilaasortaq qaammat ataaseq sinnerlugu pisinnaanngippat sinniisussaq ilagiit sinniisaanni ilaasortanngorallassaaq.

Imm. 3. Pissutsini imm. 1-imi taaneqartuni ilaasortap taartissaanik sinniisussaqanngippat ilaasortat allat piffissap qinigaaffiup sinnerani ilaasortaasussamik allamik qinersissapput taavalu ilagiit, palasi palaseqarfiup pisortaqarfittut siulersuisua, Kalaallit Nunaata Biskoppeqarfiani biskoppi aammalu Kultureqarnermut, Ilinniartitaanermut Ilageeqarnermullu Pisortaqarfik qinersineq pillugu nalunaarfigissallugit.

Kapitali 4

Ataatsimut aalajangersakkat

§ 72. Qinersinermut ataatsimiititaliaq kap. 1, 2 aamma 3-mi taaneqartoq tassaavoq Kalaallit Nunaata Inatsisartuinut qinersisameq pillugu inatsisartut inatsisaanni ataatsimiititaliaq taaneqartoq. Qinersinermut ataatsimiititaliap suliasai suliarineqassapput inatsisartut inatsisaanni qulaani taaneqartumi § 54-imi maleruaqqusat malillugit.

§ 73. Qinigaasinnaassuseq pillugu Ataatsimiititap § 53-imi taaneqartup sulineranut atatillugu aningaasartuutit Landskarsimit akilerneqassapput.

Imm. 2. Naalakkersuisut Allattoqarfiata Ataatsimiititaq allattoqarfeqartissavaa.

Imm. 3. Siulittaasoq akissarsiaqartinneqassaaq eqqartuussisut pillugit isumaqatigiissut sukkulluunniit atuuttoq naapertorlugu Naalakkersuisut aalajangersagaannik.

Imm. 4. Qinikkat Ataatsimiititami ilaasortaasut akissarsiaqartinneqassapput Inatsisartunut, Naalakkersuisunut il.il. ilaasortat aningaasarsiaqartitaanerata pillugit inatsisartut inatsisaanni maleruaqqusat malillugit.

§ 74. Qinersinermut ataatsimiititaliaq qinersinerup piareersarnerani ingerlanneqarneranilu piginnaatitaavoq pissutsit naapertorlugit, tassunga ilanngullugu sila, pisariaqarsorinarneratut inatsisartut inatsisaanni matumani maleruaqqusanik saneqqutsinissaminut, patsisissaatillugu qinersinerup isertuussassaanerata qinersinerullu ingerlanneqarnerata nakkutigisaanerata tamatigut isumannaarneqarsimanissaat. Qinersinermut ataatsimiititaliap qinersineq pillugu allatuiffimmini aalajangersagaq manna malillugu saneqqutsinerit pisimasut nassuiaateqarfignissavai.

§ 75. Naqitertitanut, tamanut saqqummiussanut pappiaqqanullu taasivinnut aningaasartuutit aammalu sumiiffiit kommunit agglomerisa avataaniittut pillugit immikkut aningaasartuutit landskarsimit akilerneqassapput. Qinersinermut atatillugu aningaasartuutit allat kommunip pineqartup karsianit akilerneqassapput.

§ 76. Qinersisartuq taasisimasuq suliassami sumiluunniit pisussaangilaq eqqartuussisunut oqaatigissallugu qinigassanngortitaq kina imaluunniit partii sorleq taasimanerlugu.

§ 77. Kinaluunniit inatsisartut inatsisaat una malillugu imminut suliakkiutigineqartunik sumiginnaasoq pinerluttulerinermik inatsit malillugu pineqaatissinneqamissamik eqqartuunneqarsinnaavoq.

§ 78. Qinersinermik siulersuisunut ilaasortat imaluunniit allat inatsisartut inatsisaanni uani aalajangersakkat malillugit inini pappiarat taasiviit tigooqqarneqarfianniissinnaatitaasut

1) taasisitsinerup nalaani qinersisartumik siunnersuissaanngillat, ilitsersuissanatik

kajumissaarissanatilluunniit qinigassanngortitaq kina taassaneraat,

2) allanik ilisimatitsissanngillat qinersisartuq una unalu najuussimanersoq, imaluunniit pappiaramik taasivimmik tuneqqusimanersoq tunniussisimanersorluunniit, imaluunniit

3) allanut nalunaarutiginnissanngillat taasivimmi qinersisartup qinigassanngortitamik imaluunniit partiimik sorlermik taasimaneranik paasisimasaminnik.

Imm. 2. Qinersisartut aggerlutik taasinerata inatsisartut inatsisaanni peqqussutigineqartumiit allaanerumik nakkutigineqamissaa akuerisaanngilaq.

Imm. 3. Immikkoortumi 1-imi aamma 2-mi aalajangersakkanik unioqqutitsinerit pinerluttulerinermik inatsit malillugu pineqaatissinneqamermik eqqartuunneqaataasinnaapput.

§ 79. Inatsisartut inatsisaat atuutilerpoq 1. januar 1997. Tamatuma peqatigisaanik atorunnaarsinneqarput Kommunalbestyrelsinut bygderådinullu qinersineq pillugu inatsisartut inatsisaat nr. 2, 30. marts 1982-imeersoq aammalu Kalaallit Nunaanni ilageeqameq pillugu Inatsisartut peqqussutaanni nr. 2, 30. marts 1982-imeersumi §§ 12 - 14 aamma § 23.

Imm. 2. Nunaqarfimmi aqutsisunut 1993-imi qinersinermi nunaqarfimmi aqutsisunut ilaasortatut qinigaasut eqqarsaatigalugit piffissaq qinigaaffik naassaaq 1997-imi aprilip qaammataata naanerani, taamaattoq tak. § 48.

Namminersornerullutik Oqartussat, ulloq 31. oktober 1996

Lars Emil Johansen

/

Kaj Kleist